

# Gruppenchallenge Gedichte

## Die Aufgabe war: Werde Dichter:in

Schreibt ein kurzes Gedicht über verschiedene Berufe.

Das Gedicht besteht aus mindestens 3 Reime

Es müssen mindestens 2 Berufe vorkommen.

## Das sind die grossartigen Ergebnisse:

Er hätt ganz vieli Tier,  
die meiste laufet uf alne Vier.

Computer sind voll kompliziert,  
da wäri doch viel lieber en Landwirt.

Doch Zahle sind mini Welt  
und ich verdien ahständig Geld.

**Meute Cherokee, Säuliamt**

Holz und Stei,  
sind mir einerlei.

Ob Murer oder Schriener,  
mir sind eifach cleaner.

Aber natürlich sind Metallbauer schlauer.

Ob gross oder chlii  
das isch's jetzt gsii.

**Fähnlü Geier, Säuliamt**

De Tierarzt lebt imene grosse Huus,  
det verarztet er Hund, Chatz und Muus.

Sin Kolleg isch en Koch,  
er hingege wohnt imene chline Loch.

Er hett en Brüeder, de isch Fischer  
und er chillts immer mit em Tischler.

**Gruppe Unbekannt!**



Im Bula den höchsten Turm,  
der überlebt auch jeden Sturm.

Wir Pfadis können viel  
gewinnen ist unser Ziel.

Ob Elektriker oder Zimmermann,  
niemand bleibt sitzen jeder packt an!

**Fähnli Anakonda, Säuliamt**

De Lupo ist gern Fisch, will er isch en Fischer.  
Aber de Zorro de Schlingel baut Tisch und Stüehl will er isch en super Tischler.

De rechtsradikali Rascol isch vo Bruef en Veganer,  
und isch so breit wie en Spartaner.

Pipin isch sin Name und er isch en Zimmermann  
ah lueg da, er zimmeret die Latte ah

De Ikarus frei wie en Vogel, taucht er ich de tüfe Meer de Fischli nah

Und all die feine Fisch,  
will de Lupo uf sim Tisch

**Fähnli Bussard, Säuliamt**

Sött ich Zimmermaa werde oder doch U-Boot-taucher  
Ich schaff beides nöd will ich bin Raucher.

Drum wird ich en Bürogummi und hau id Taste,  
ich glaub ich chönnt usraste.

**Fähnli Büffel, Säuliamt**

Ich weiss nicht wie ich mich entscheiden soll:  
Schreiner, Maler, es ist alles toll!

Astronaut ist auch sehr gut,  
aber ich habe zu wenig Mut.

Für Schwinger bin ich viel zu mager,  
lieber organisiere ich ein Pfadilager.

**Meute Phao, Säuliamt**

De Becker  
stellt sin Wecker

Er bacht sis Brot  
bis in Tod.

Dä Hänker  
isch dä Hänker.

***Meute Toomai, Säuliamt***

En Muurer macht es Huus,  
de Tierarzt behandellet d'Muus.

De Stromer macht d'Steckdose  
und de Buur pflückt Aprikose.

De Laborant macht Chemie  
und de Ressigeur Regie.

***Wolfstufe 3, Albis & Felsenegg***

Der Zimmermann der alles kann.

Doch zimmern kann er nicht,  
darum schreibt er jetzt ein Gedicht.

Denn mit seinen langen Beinen, acht Stück in der Zahl,  
ist das Zimmern eine Qual.

Mit seinen vielen Augen,  
kann auch keine Brille taugen.

Mit eingeschränkter Sicht,  
steht ihm der Beruf des Lehrers nicht.

Doch Weben kann er gut,  
denn dies liegt in seinem Blut.

***Fähnli Hestia, Albis & Felsenegg***

Maler düend gern striiche,  
drum gsehnd sie schnell mal us wie Liiche.

De Gärtner muess viel Blueme pflücke,  
dafür muess er sich aber bücke.

Alli Brüef sind verschiede,  
drum chönnd alli eine liebe.

**Fähnli Artemis, Albis & Felsenegg**

Wenn ich gross bin, ja was söll ich mal mache,  
so viel Uswahl, so viel Sache.

Handwerker, Schriener, Sanitär,  
sich entscheide isch so schwär.

Es isch d'Qual der Wahl,  
d'Uswahl isch nöd schmal.

Min Papi will dass ich Sporter:in wird,  
mim Mami wär Anwalt:in ganz lieb.

Vieli Jobs gitss die Badi,  
schlussendlich blib ich doch lieber Pfadi.

**Meute Tarim-Chenab, Altberg**

Man ist ein Jurist  
und zwischendurch ein Florist und grosser Kommunist.

In der Freizeit spielt man gerne Polizist  
und man ist auch Tourist.

Am Ende ist jeder ein Solist.

**Fähnli Hoggar, Walter Tell**

Ja, die Berufe sind so toll,  
das finden wir wirklich, momoll.

Ob Fitness oder Chemiker,  
die sind alle Akademiker.

Da gibt es noch viele mehr,  
so wie der Taucher im Meer.

**Meute Akela, Säuliamt**

### **Traumberufe**

Ergotherapeutin si wär fresh  
Sie helfed nach em Crash  
Es git au gnueg Cash  
De Bruef isch en rise smash.

Sanitäterin isch en coole job  
Vo de Zahlig her ischs eher en flop  
Es heisst immer hop hop  
Lebe rette wie en Gott.

Soziokulturelli Arbeit leiste  
Det verdiensch nöd am meiste  
Du begegnisch debi villne Dreiste  
Aber defür chasch im Quartier ume chreise.

Tänzer si war scho no glatt  
Vom Geld her wirsch ganz knapp satt  
Döt machsch din ganze Körper platt  
Du reisch vo Stadt zu Stadt.

Ich wär gern en professionelle Velocruiser  
Doch mis Hobbi isch immerno pfuse  
Am Korpstag wemmer nöd loose  
Sondern mit allne umeschmuuse.

Tierärztine mached cools Züg  
Triffsch cooli Lüt  
Verdiensch au nöd nüt  
rettisch es Tier wo flügt.

Ich wür gern bi de pbs schaffe  
Dött hetti ganz viel zum lache  
Chönt ganz viel cooli Sache mache  
Ich brings Pfadilebe zum erwache

Für jedi Person ischs öpis anders  
Lah dini Traum nöd versande  
Es git ganz vieli Traumbrüef  
Los zue was dis Herz rüeft.

**Stamm Avis, Rudolf Brun**

Das Tauchen ist so wunderbar,  
das Werken ist so kurz und klar.

Die Wissenschaft ist nicht egal,  
das gilt auch für Elekrika

Müllsammler trennt Hab und Gut,  
Als Dolmetscher braucht man Mut.

Der Fitnesscoach ist motiviert,  
und wie wir alle auch kompliziert.

**Meute Yamuna, Altberg**

Es war einmal ein Müllmann,  
der hatte eine gelbe Veste an.

Der brachte Mehl und Zucker,  
für den regionalen Bäcker.

Der bereitete Kuchen zu,  
die Pfadis assen ihn im nu.

Die Pfadis gehen jetzt nach Haus,  
darum ist der Reim jetzt aus!!

**Meute Amazonas, Vennes**

### **Elektriker vs. Handwerker Disstrack**

Elektriker:

Hey, was machsch da bi minere Steckdose?

Chum min Fründ tuen doch mal lose!

Strom isch gfährlich, mach der nöd id Hose,  
drum bin ich da, nöd nur zum Pose!

Handwerker:

Was, was bisch du am säge?

Mis Huus schützt dich denk vor Rege!

Strom hii oder här,  
ohni Handwerker isch immer schwär!

### ***Meute Waigunga, Vennes***

Grüezi wohl Frau Roner

ich wär so gern en Stromer (\*in)

Ich chan drum nöd guet bache  
und bring niemert zum lache.

Becker(\*in) und Komiker(\*in) isch nüt für mi  
Also bitte Frau Roner lah mich Stromer sii.

Mike Drop

### ***Gummibärenbande, Rudolf Brun***

Werd ich Polizist, Feuermann oder doch Astronaut?

Ich weiss: Als Bauarbeiter wird viel gebaut.

Als Kaufmann mus man im Büro sitzen,  
als Forscher entdecken und die Ohren spitzen.

Wenn ich reich werden will, geh ich zur Bank,  
wenn ich Arzt werde, bekomme ich viel Dank

Ja, Berufe gibt es sehr viel,  
doch wähl einen mit Stil.

### ***Meute Sioni, Säuliamt***